

Chata ya Vana ya ku Hlaya



Ku kota ku hlaya na ku tsala i masungulo ya dyondzo na ndlela leyi tiyeke ya ku humelela loko u kurile eka vutomi bya manguva lawa. Chata leyi yi rhamba lavakulu eAfrika-Dzonga ku tiyisisa leswaku swiyimo leswi pfunaka vana ku humelela eka ku dyondza ku hlaya swi nyikiwa vana va hina hinkwavo leswaku va va na ku vuyeriwa na ku humelela eka rendzo ra vona ra dyondzo.

1 Ku hlayela ku hungasa: Vana hinkwavo va fanele ku va ni ntokoto wo hlaya na ku tsala, ku tihungasela na ku ti eneta emakaya ya vona na tindzimi to engetela ku sukela loko va ha ri vatsongo.



2 Mitsheketo: Vana hinkwavo va fanele ku va ni nkarhi wo yingisela, wo hlaya na wo vulavula hi mitsheketo ya Afrika-Dzonga, Afrika na ya misava hinkwayo.

3 Ku valanga misava hinkwayo: Masiku hinkwawo vana va fanele va va ni nkarhi wo tirhisa ku hlaya na ku tsala ku valanga vutomi hi thlelo ra tihlo ra miehleketo na hi ntiyiso. Mikarhi leyi yi va pfuna ku dyondza ku ti tiva na ku tiva van'wana na ku vona ku cinca ka ndzhawu ya vona emisaveni na leswaku va nga hoxa njhani xandla.

4 Ku hlohlotela: Vana va malembe hi ku hambana va lava vanhu lava nga ta va hlayela hi ndlela yo va hlohlotela ku lava ku tihlayela. Vandyangu ekaya, vadyondzisi etitlilasini na vatirhi va le tilayiburari laha vatshamaku kona na le tilayiburari ta le swikolweni va fanele va hlayela ehlenhla mikarhi hinkwayo.

5 Vahlohloteri: Lavakulu va fanele va hlohlotela ku hlaya na ku tsala eka vana. Vana va fanele va vona lavakulu emakaya na le xikolweni, na le tikweni va tirhisa ku tsala na ku hlaya ku endla swilo swi humelela, ku dyondza na vuhungasi.


6 Ku dyondza ku hlaya na ku tsala: Vana hinkwavo eswikolweni va ni mfanelo ya ku dyondzisiwa ku hlaya na ku tsala hi vadyondzisi lava tokoteke va tlhela va va ni nhlohlotel, lava vulavulaka na vona hi ri/tindzimi leti va ti twisisaka, ku va humesela mitsheketo leyi hlamarisaka na matsalwa lama tsakisaka tanihi xiphemu xa vudyondzisi bya vona.

7 Nkarhi na Ndzhawu: Hi mikarhi hinkwayo vana va fanele ku nyikiwa nkarhi lowu eneleke wo wisa na ku hlaya. Va lava na ndzhawu leyi miyeleke ku kota ku endla leswi.

8 Ku fikelelela switirhisiwa: Vana va fanele ku fikelele hi ku olova switirhisiwa swo tsala no hlaya laha va tshamaka kona. Va fanele va va na ndzhawu leyikulu ya matsalwa ya mitsheketo na tibuku tin'wana, tin'wana swi nga endleka ku ri ta vona, ta van'wana, kumbe to lombiwa exikolweni na tilayiburari ta mani na mani ta le kusuhi ni laha vatshamaka kona. Va fanele va va eka ndzhawu leyi nga ni switsariwa leswi nga hi ririmi leri va ri tivaka na ku ri twisisa.

9 Tibuku to hlohlotela: Vana na ni mfanelo ya tibuku letinene leti kandziyisiweke kahle na swikombo swa xiyimo xa le henhla, mitsheketo yo nyanyula na mahungu lama kokaka rinoko. Tibuku ta xiyimo xa le henhla ti nga pfuna ku hlohlotela vana va teka ku hlaya ku va ntlovelo wa vutomi bya vona hinkwabyo.

10 Ku ti hlawula: Vana va fanele va nyikiwa nkarhi wo hlawula leswi va lavaka ku swi hlaya hi mikarhi, nakambe hi mikarhi yin'wana va fanele ku nyikiwa ndzetelo hi vatswatsi. Ku ti hlawulela hi voxwe swi pfuna vana ku kula tanihi vahlayi hikuva va kota ku va ni maendlelo eka muxaka wa tibuku leti va ti tsakelaka.



11 Ku khutaza: Vana va lulamerile ku va va ringeta ko tala ku hlaya na ku tsala na ku va ku tsakeriwa hi lavakulu evuton'wini bya vona na ku khutaziwa ku ya emahlweni na ku tirhisa ririmi ra ku tsala na ku vulavula. Eka riendzo ra vona ra ku kota ku hlaya na ku tsala, mikarhi yin'wana vana va ta endla swihoxo, nkarhi wun'wana va endla swona. Hinkwaswo leswi, xikan'we na ku khutaziwa, i ndlela leyi hinkwerhu hi dyondzaka ha kona.

